

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 24. Zakona o internoj reviziji institucija Bosne i Hercegovine („Službeni glasnik BiH“, br.27/08 i 32/12), a u vezi s članom 5. stav (2) i članom 21. istog Zakona, direktor Centralne harmonizacijske jedinice Ministarstva finansija i trezora Bosne i Hercegovine, d o n o s i

## **O D L U K U**

### **o donošenju Pravilnika o provođenju osiguranja i unapređenja kvaliteta interne revizije u institucijama Bosne i Hercegovine**

#### **Član 1.**

(Predmet odluke)

Ovom odlukom Centralna harmonizacijska jedinica Ministarstva finansija i trezora Bosne i Hercegovine donosi i objavljuje Pravilnik o provođenju osiguranja i unapređenja kvaliteta interne revizije u institucijama Bosne i Hercegovine kao dio metodologije za vršenje funkcije interne revizije u institucijama Bosne i Hercegovine i vršenja nadzora Centralne harmonizacijske jedinice Ministarstva finansija i trezora BiH nad provođenjem regulative interne revizije od strane jedinica za internu reviziju u institucijama BiH.

#### **Član 2.**

(Primjena Pravilnika)

Obaveza primjene Pravilnika o provođenju osiguranja i unapređenja kvaliteta interne revizije u institucijama Bosne i Hercegovine odnosi se na rukovodioce jedinica i interne revizore zaposlene u jedinicama interne revizije koje su uspostavljene u organizacijama iz člana 2. stav (2) Zakona o internoj reviziji institucija Bosne i Hercegovine, zaposlene u Centralnoj harmonizacijskoj jedinici Ministarstva finansija i trezora BiH i eksterne ocjenitelje.

#### **Član 3.**

(Dostupnost)

- 1) Pravilnik o provođenju osiguranja i unapređenja kvaliteta interne revizije u institucijama Bosne i Hercegovine dostupan je, na službenim jezicima u institucijama Bosne i Hercegovine, na web stranici Ministarstva finansija i trezora Bosne i Hercegovine ([www.mft.gov.ba](http://www.mft.gov.ba)) u dijelu koji se odnosi na Centralnu harmonizacijsku jedinicu Ministarstva finansija i trezora Bosne i Hercegovine.
- 2) Centralna harmonizacijska jedinica Ministarstva finansija i trezora Bosne i Hercegovine obavijestit će sve jedinice interne revizije u institucijama Bosne i Hercegovine o donošenju i objavljivanju Odluke o donošenju Pravilnika o provođenju osiguranja i unapređenja kvaliteta interne revizije u institucijama Bosne i Hercegovine i dostaviti im Pravilnik u elektronskom formatu.

**Član 4.**  
(Stupanje na snagu)

- (1) Odluka stupa na snagu osmog dana od dana objavljivanja u „Službenom glasniku BiH“, a primjenjuje se od 01.01.2022. godine
- (2) Odluka o donošenju Pravilnika o provođenju osiguranja i unapređenja kvaliteta interne revizije u institucijama Bosne i Hercegovine bit će objavljena i na *web* stranici Ministarstva finansija i trezora Bosne i Hercegovine - Centralna harmonizacijska jedinica: [www.mft.gov.ba](http://www.mft.gov.ba).

Broj: 02-1-02-4-303-1/21  
Sarajevo, 01.12. 2021. godine

Direktor  
Centralne harmonizacijske jedinice  
Ministarstva finansija i trezora Bosne i  
Hercegovine

**Ranko Šakota, s.r.**